

COVID-19 Ashowizo-Mashkikiin gewe Binoojiinig miinwaa Eshkiniigijig

Ashowizo-mashkikiin waankiiwendaagodon, nakiimigadon miinwaa aawinon memaanji nishing nikiiyaa awii gnowenimad gdo binoojiinim miinwaa inodewiziwin owi COVID-19 miinwaa newen nowonj ezhinaagwog aakoziwinan waajii-emigag. Aanwi gwa millions bemaadizijig maampii Ontario agii debinaanaa-aa COVID-19 ashowizo-mashkiki, ngii gikendaanaa gnimaa gdaa yaanan gagwedwewinan newen ashowizo-mashkikiin gewe onji binoojiinig (nanan apiinish midaaswi shi bezhig epiitizijig) miinwaa eshkiniigijig (midaaswi shi niish apiinish midaaswi shi nizhwaaswi epiitizijig). Ninda aani nakwetamowinan newen aanin memaanji aabaji gagwediweng.



1. Aaniish genji debinangba ndo binoojiinim owi COVID-19 ashowizo-mashkiki?

Jiitawaaganiwi ji-onji-aakozisiwaad binoojiinig miinwaa eshkiniigijig ada miingonaa-aa meshkowaamigag epiitaag gnowenjigewin owi COVID-19 miinwaa newen nowonj ezhinaagwog aakoziwinan waajii-emigag, gnowenjigaadenon gikino amaadiigamgon woshme waankiiwendaagwog miinwaa awii nisaaksing, miinwaa nigaasijigaadeg sweshkaamigag owi aakooziwi-manijooshens. Ada naadmaagemigad age awii gnowenimigaaziwaad inodewiziwin waajii-ejig, dibishko gonaa gewe gaawii mashi e'naani biboon gizijig gaawii maamda mashi age debinaziwaad jiitawaaganiwi ji-onji-aakozisisiwaad, miinwaa neniizaanzijig gechi piitizijig.

2. Aaniish minik age baabiitowaan owi ndo binoojiinim ntam miinwaa ekwa niizhing bidakogewinan owi COVID-19 ashowizo-mashkikiin?

Binoojiinig naanan apiinish midaaswi shi bezhig epiitizijig ada debinaanaa-aa owi binoojiinig Pfizer COVID-19 azhowizo-mashkiki, miinwaa eshkiniigijig midaaswi shi niish apiinish midaaswi shi niizhwaaswi epiitizijig ada debinaanaa-aa Pfizer COVID-19 ashowizo-mashkiki. Awii miigweng memaanji shpaamigag gnowenjigewin, owi National Advisory Committee on Immunization (NACI) [rgiikimigewog baabiitoong nishwaasowi aname-giizhigag](#) nisowiing owi ntam miinwaa ekwa niizhing bidakogewin. Maanda abi njibaamigad owi debwewin gewe netawijig e'kidomigag woshme niibna biitiwiwiing bidakogewinan aawan woshme meshkowaamigag

aakozin miigaajigaadeg nakwetamowin miinwaa woshme eshpaamigag ashowizo-mashkiki nakiimigag miinwaa dinenjigaade woshme gnesh awii nakiimigag.

3. Weweni ana agii ndakenjigaade owi COVID-19 ashowizo-mashkiki gewe onji binoojiinig miinwaa eshkiniigijig? Aaniish ezhi gikendamaa waankiiwendaagwog?

Mina Bimaadiziwn Gaanada adaanaa-aa bezhig memaanji wiinge gikendaasowin aanji ginowaabmjigaadeg zhichigewin maampii agid kamig miinwaa goweta minwaabmdaan owi ashowizo-mashkiki giishpin waankiiwendaagwog, nakiimigag miinwaa nakweshkang memaanji shpaamigag zhichigaadeg miinwaa nishing gikinwaabanjigewinan. Shkwaa gichi ndakenjigaadeg miinwaa debendizid gikendaasowin aanji gnowaabmdang owi debwewin, Mina bimaadiziwin Gaanada agii giizhendani owi COVID-19 waankiiwendaagwog miinwaa nakiimigad miigwemigag meshkowang aakozin miigaajigaadeg nakwetamowin owi COVID-19 gewe binoojiinig miinwaa eshkiniigijig.

Gewe binoojiinig naanan apiinish midaaswi shi bezhig epiitizijig, Mina Bimaadiziwin Gaanada agii bagidendaan niish bidakogewin owi binoojiinig Pfizer azhowizo-mashkiki, yaawong mazhisha bezhigong naagmisijigan woshme bangii minik mashkiki agaa zhichigaadeg memdage gwa gewe binoojiinig, dash owi niish bidakogewin agaa bagidinigaadeg gewe bemaadizijig woshme midaaswi shi niish epiitizijig.

Apiinish nongo, millions gewe binoojiinig naanan apiinish midaaswi shi bezhig epiitizijig zhaazhigwa agii debinaanaa-aa owi binoojiinig Pfizer COVID-19

azhowizo-mashkiki odi Gichi Mookmaankiing, gaawii gego tesinag owi waankiwin waabmdowewin apiinish nongo.

4. Gaawiin ana COVID-19 inamjiwinan woshme dibasaanon gewe binoojiinig miinwaa eshkiniigijig?

Aanowi gwa binoojiinig miinwaa eshkiniigijig debinamijig miniiweseWIN owi COVID-19 gagwech ado yaanaa-aan e'dibasaagin inamjiwinan, aanin gnimaa adaa gichi aakoziwog, dowendaagwog aakozii-gamig awii yaawaad, ICU awii bindigewaad, maage gwa ada nibowog. Aanin adaa moshtonaa-aan woshme neniizaanag miinwaa woshme gnesh e'yaamang inamjiwinan (dibishko gonaa gnesh COVID-19, shkwaa-gichi aakoziwin COVID-19 naapinewin).

Owi COVID-19 ashowitzo-mashkiki ada naadmaagwan gdo binoojiinim miigaadang owi akoosiiw'i maniidooshens woshme nigika giishpin miniiweseWIN debinang miinwaa woshme dibasaanon ado inamjiwinan. Gaawii goweta owi ashowitzo-mashkiki gnowerimaasiin binoojiinig miinwaa eshkiniigijig owi maanaaji dodamowin owi COVID-19, miinwaa age ada naazhinaan owi aazhookoodizhemigag bekaanzijig miinwaa ginabenimgwon awii aabaji naagadowendamowaad ado mina inendamowin miinwaa mina yaawin owi nikiiyaa maamowi skoniwiwaad, aanke dinagimigiziwin miinwaa wiiji yaawin ado inodewiziwiniiwaa, wiijikiwenen miinwaa waaji piitziimaajin.

5. Gewe ana binoojiinig naanan apiinish midaaswi shi bezhig epiitizijig ada debinaanaa-aa naasaab minik owi COVID-19 ashowitzo-mashkiki gewe e'deinamiwaad aanin bkaan epiitizijig?

Gaawii. Binoojiinig naanan apiinish midaaswi shi bezhig epiitizijig ada debinaanaa-aa binoojiinig Pfizer ashowitzo-mashkiki, yaawong mazhisha bezhigong nyaagwog naagmisijigan woshme bangii minik mashkiki 1/3 owi minik maanigaaziwaad bemaadizijig midaaswi shi niish miinwaa woshme epiitizijig, niizhing bidakogewin owi e'gigiikimigaadeg aazhiwe nishwaaswi inamegijig.

6. Newen ana gichi gnesh maanaaji inamjiwinan owi onji COVID-19 ashowitzo-mashkiki gewe binoojiinig agii giizhenjigaadenon?

Newen bamitaagewinan owi debinigaadeg jiitawaaganiwi ji-onji-aakozisiin miinwaa gnowerimigowin owi COVID-19 woshme piitendaagodon dash newen iniwe-idiziwinan newen gego maanaaji inamjiwinan owi onji ashowitzo-mashkiki. COVID-19 miniiweseWIN gnimaa adaa miigwemigad woshme gnesh inamjiwinan miinwaa mina yaawin zinagiziwin gewe aanin bemaadizijig, e'digoyaaagij binoojiinig, owi enji gichi piitendaagwog awii debinigaadeg jiitawaaganiwi ji-onji-aakozisiin wewiib gwa ezhi gashtong.

7. Aaniish ezhi gagwech yaawong owi myocarditis miinwaa/maage pericarditis debinamwaad gewe eshkiniigijig?

Aapaji gwa bangii tenon aakoziwinan owi myocarditis (baagisemigag owi ode mashkoziwin) miinwaa/maage pericarditis (baagisemigag owi biitobiigsijigan zaagijiwin owi ode) shkwaa debinigaadeg jiitawaaganiwi ji-onji-aakozisiin agii dibaaajimam. Gegaa gwa kina aakoziwinan agii tenon e'shki nitaawigijig 18 apiinish 30 biboon epiitizijig shkwaa debinamwaad ekwa niizhing bidakogewin owi ashowitzo-mashkiki, miinwaa gegaa kina agii yaanaa-aan e'dibasaag aakoziwin miinwaa wewiib agii noojimawog.

Myocarditis/pericarditis shkwaa debinigaadeg COVID-19 mRNA ashowitzo mashkikiin yaa-aabi aawan gichi wewiika maanaaji zhiwebiziwin shkwaa bidakogowin (AEFI), ezhi waawinijigaadeg owi Canadian Immunization Guide zhiwebak megwaach agwa 0.01 % maage woshme bangii dash 0.1 %. Myocarditis miinwaa pericarditis woshme dinenjigaadenon awii yaajigaadeg shkwaa COVID-19 miniiweseWIN dash newen COVID-19 ashowitzo mashkikiin.

Owi Gichi Kiing Giikimigewin Wiijii-ewin owi Bidakogowin (NACI) aabaji giikimigewog jiitawaaganiwi ji-onji-aakozisiin owi mRNA COVID-19 ashowitzo-mashkikiin kina gewe bemaadizijig naanan epiitizijig miinwaa woshme zaam newen ashowitzo mashkikiin gichi nishinon nigaasijigaadeg inamjiwinan miniiweseWIN miinwaa gichi niizaanag ezhiwebak (dibishko gonaa, aakozii gamig aabdek biindigeng, nibowin) owi onji COVID-19. NACI giikimigewog gewe binoojiinig miinwaa eshkiniigijig awii baabitowaad nishwaasowi aname-giizhigag biitiwi-iiing owi ntaam miinwaa ekwa niizhing owi COVID-19 ashowitzo-mashkiki. Maanda aazhiwi-aawang gnimaa adaa digosin owi woshme dibasaag iniwe-diziwin owi myocarditis miinwaa/maage pericarditis.

8. Aaniish owi jiitawaaganiwi ji-onji-aakozisiin debinang age inendaagwog owa ndo binoojiinim?

Gmaaminig agwa tenon enji minding COVID-19 ashowitzo-mashkiki gewe binoojiinig naanan apiinish midaaswi shi bezhig epiitizijig ada zhisijigaadenon awii gagwekwenjigaadeg binoojiinig awii mina nendamowaad. Ninda digosinon temgag mina gikendamaazo naandowechige gamig wenaamjiganan dibishko gonaa naazhinigaadeg epiitweweg miinwaa naazhinigaadeg waaskonenjiganan, miinwaa zhisijigaadeg naandowechigewin awii miigweng njike yaang dibishko gonaa aajikingaansan maage inodewiziwin awii maamowi yaawaad awii wiiji yaawin gdo binoojiinim apii debinamiwaad owi ashowitzo-mashkiki.

Miinwaa age aanke, kina bemaadizijig mina bimaadiziwin nyaagdowendamajig ada miigwenaan aanin naandowechigewinan odi maage jiigwiing gikinomaage gamigon awii temigag zhisewin miinwaa miigweng miinwaa bezhig enji waankiwendaaagwog awii miigweng owi ashowitzo-mashkiki gwanda owi epiitizijig. Naandowechigewin adaa miigwem

memdage gwa shkwaa skoniwing (dibishko gonaa onaagshig miinwaa maaniigzhigag miinwaa namegiizhigag) awii aasgaabiwichigaadeg mino-aping miinwaa wiikidenjigaasiwaad wenaamjigewinan gewe binoojiinig miinwaa inodewiziwinan.

Egitzingejig maage aanke giizhendawin e'zhitogig gewe binoojiinig naanan apiinish midaaswi shi bezhig epiitizjig, owi gegaa kina, aabdeg awii miigwena-aa bagidinigewin owi onji binoojiin owi apii owi onaaknigewin yaamiwaad maage moshkinebiigaadeg bagidinigewin owa onji binoojiin.

9. Ada mozhitonan ana ndo binoojiinim maanaaj inamjiwinan maage maanaaskaagewinan?

Dibishko agwa wegwen gwa jitaawaaganiwi ji-onji-aakozisiin, gdo binoojiinim gnimaa adaa mozhitonan e'dibasaagin maanaaj inamjiwinan maage maanaaskaagewinan age ani nigoshkaamigan onji gmaaminig dibagiisiwaan apiinish gmaaminig giizhigag shkwaa debinigaadeg jitaawaaganiwi ji-onji-aakozisiin. Ninda maanaaj inamjiwinan aawinon e'digosin owi gwiiyaw gajitod awii zhitod naadamaagoying awii bwaa aakoziwing owi COVID-19 shkwaa debinigaadeg jitaawaaganiwi ji-onji-aakozisiin. Gagwech newen maanaaj inamjiwinan digosinon miskoizing miinwaa baagisewin zhiwe nikaang zhiwe agaanji debinigaadeg ashowizo-mashkiki, ayekoziwin, mashkowiziwin wiisiginezing, dekwewin maage bangii gashizang.

Giishpin gdo binoojiinim maajitaamigadinig maanaaj inamjiwinan e'zinagendamigowin maage gaawii ani nigoshkaasinag gmaaminig giizhigag, aga bigosenimigo awii ginonad gdo mina yaawin maagwed.

10. Aaniish age zhichigepa ndo binoojiinim giishpin debinang maanaaji inamjiwinan shkwaa debinang ashowizo-mashkiki?

Atowin dekaag, nesaabaaweg gidagiigin zhiwe owi ashowizo-mashkiki agii miigweng gnimaa adaa naadmaagemigad owi gaagiidizing miinwaa baagishing. Giishpin dowendaagwog, ginosh mashkikiinini(kwe) owi onji age giishpinajigaadeg wiisiginezing maage gashizang mashkiki gnimaa age naadmaagemigagba newen maanaaj inamjiwinan dibishko gonaa dekwewin, mashkowiziwin wiisiginezing miinwaa gishiziwin. Gagwech gwaa gaawii giikimigaadesno awii daapinigaadeg mashkiki jibwaa debinaman jitaawaaganiwi ji-onji-aakozisiin awii gagwejitowin awii nigaasidowin maanaaj inamjiwinan.

11. Owi ani COVID-19 ashowizo-mashkiki maadookidaagon ndo binoojiinim anijaansiwin?

COVID-19 ashowizo-mashkikiin gaawin dodaagesino nini maage kwe awii bwaa anijaansid miinwaa gaawii gego debwewin ada kidomagasno awii dodaagemigag niigaan aawang bwaa anijaansid.

12. Gaawii ana owi COVID-19 ashowizo-mashkiki ada niizaansisii ndo binoojiinima awii yaang omaanaas'kaagemigag?

Gichi omaanaaskaage inamjiwinan owi COVID-19

ashowizo-mashkiki gichi wewiikaa tenoon Awii waankiing, kina gwayaa e'debinang jitaawaaganiwi ji-onji-aakozisiin naagzowaabmjigaaza gnigen gwa 15 dibagaans zaam gnimaa omaanaaskaage inamjiwinan temgag.

Giishpin nendaman gnimaa gdo binoojiinim ayaang gichi omaanaaskaage inamjiwinan shkwaa ani maajaawin enji miigweng jitaawaaganiwi ji-onji-aakozisiin, zhaan odi memaanji beshaa etemigag gichi niizaanag aajikinigan odi aakozii-gamig maage giigidan 911. Newen waabmjigewinan owi omaanaaskaage inamjiwinan adaa digosinono zinagag neseng, maajitaamigag babiikwazhewinan maage baagishing zhiwe dengwe miinwaa gondaagan.

Giishpin gdo binoojiinim agii ayaang gichi zhaazhigwa omaanaaskaage inamjiwinan newen ashowizo-mashkikiin maage mashkiki, aga bigosenimigo awii dazhindaman maanda owa gdo binoojiinim mashkikiinwon jibwaa debinang jitaawaaganiwi ji-onji-aakozisiin.

13. Binoojiinig ana ada debnaanaa-aa debwewin agii debinamiwaad jitaawaaganiwi ji-onji-aakozisiwaad?

Enh. Ashowizo-mashkiki debwebiiganan digosing QR gindaasowinan ada tenon gewe binoojiinig naanan apiinish midaaswi shi bezhig epiitizjig zhiwe COVID-19 jitaawaaganiwi ji-onji-aakozisiin waasamo asabi mazina-igan aawang zigakibiigan owi ado jitaawaaganiwi ji-onji-aakozisiin.

Dash wiigwa, gaawii gego nendowendaagwog tesnon gewe binoojiinig naanan apiinish midaaswi shi bezhig epiitizjig awii waabmdoweng debwewin agii debinang jitaawaaganiwi ji-onji-aakozisiin zhiwe Ontario. Gnimaa adaa tenon bkaan nendowendaagwog bkaan ngoji.

14. Aapiish age dinimaambaa woshme gikendamowin?

Zhaan [Ontario.ca/covidvaccinekids](https://ontario.ca/covidvaccinekids) woshme awii gikendamawan newen COVID-19 ashowizo-mashkikiin onji binoojiinig miinwaa eshkiniigijig.

Miinwaa age gdaa gnonaag owa Akiinsing Ashowizo-mashkiki Ezhi Giigidang Wiigwaam awii ginonad negidendang enkiitaaged maage mina yaawin mashkikiinini odi 1-833-943-3900 (TTY gewe bemaadizjig gegiibshejig, maanaadag nondamowin maage giigidowin-giwaadag: 1-866-797-0007), etemigag woshme 300 bkaan iniwewinan, niishwaaswi giizhigag ensa nigo namegiizhigag onji 8:00 a.m. apiinish 8:00 p.m.

Miinwaa age aanke, gdaa giigid odi SickKids COVID-19 Vaccine Consult Service awii zhisidowin e'giimodendaagwog giigido'biwaabikonsing onaakinigewin owa SickKids binoojiinig Mashkikiikwe/nini zhiwe sickkids.ca/vaccineconsult, maage giigidan 1-888-304-6558. Maanda zhichigewin temgad niibna minik iniwewinan nikaazang giigido-biwaabikonsing iniwewin aankanosijigaadeg.